



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო

Ministry of Internally Displaced Persons from the Occupied Territories,
Labour, Health and Social Affairs of Georgia



KA030122248270719

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/15442

02 / სექტემბერი / 2019 წ.

სსიპ სახელმწიფო ქონების ეროვნულ სააგენტოს

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ განიხილა თქვენი N4/65586 წერილი, რომელიც შეეხება 01.12.2011-03.12.2018 პერიოდში, ერთი მხრივ, საქართველოს ეკონომიკისა და მდგრადი განვითარების სამინისტროს (უფლებამონაცვლე სსიპ - სახელმწიფო ქონების ეროვნული სააგენტო (შემდგომში „სააგენტო“)), საქართველოს შრომის, ჯანმრთელობისა და სოციალური დაცვის სამინისტროს (შემდგომში „სამინისტრო“) და მეორე მხრივ, შპს „უნიმედი სამცხეს“ (უფლებამონაცვლე - სს „სამედიცინო კორპორაცია ევექსი“) (შემდგომში „მედიველი“) შორის 2011 წლის 13 სექტემბერს ნასყიდობის ხელშეკრულებით (2012 წლის 11 ივნისს გაფორმდა ცვლილების ხელშეკრულება) ნაკისრი ვალდებულებების დადასტურების საკითხს.

2011 წლის 13 სექტემბერს, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტრო“) და მეორე მხრივ შპს „უნიმედი სამცხეს“ („მედიველი“) შორის გაფორმდა ნასყიდობის ხელშეკრულება, რომლის თანახმად, მედიველს სიმბოლურ ფასად (1 (ერთ) ლარად გადაეცა ხელშეკრულებით (დანართი 1) განსაზღვრული მოძრავი ქონება. ამასთან, დანართი 1.2 -ით განსაზღვრული ქონება გადაეცა ხელშეკრულების 3.1.7 პუნქტით ნაკისრი ვალდებულებების შესრულების პირობით, რაც გულისხმობდა: „ადიგენის მუნიციპალიტეტში, უზრუნველყოს დანართი № 5-ით გათვალისწინებული ბაზისური სამედიცინო სერვისების უწყვეტობა შესაბამისი სახელმწიფო პროგრამების ფარგლებში გარდამავალი პერიოდის დასასრულიდან 7 წლის განმავლობაში და დანართი № 5-ში განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით“.

2012 წლის 30 აგვისტოს, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტრო“) და მეორე მხრივ შპს „უნიმედი სამცხეს“ („მედიველი“) შორის გაფორმდა ნასყიდობის ხელშეკრულება, რომლის თანახმად, მედიველს სიმბოლურ ფასად (1 (ერთ) ლარად გადაეცა ხელშეკრულებით (დანართი 1) განსაზღვრული ქონება. ამასთან, დანართი 1.1 -ით განსაზღვრული უძრავი ქონება გადაეცა ხელშეკრულებით (მ.შ. 3.1.5 პუნქტით) ნაკისრი ვალდებულებების შესრულების პირობით. 3.1.5 პუნქტით გათვალისწინებული იყო: „უზრუნველყოს დანართი № 3-ით გათვალისწინებული ბაზისური სამედიცინო სერვისების უწყვეტობა ნინოწმინდის, ახალქალაქისა და ახალციხის მუნიციპალიტეტებში შესაბამისი სახელმწიფო პროგრამების ფარგლებში გარდამავალი პერიოდის დასასრულიდან 7 წლის განმავლობაში და დანართი № 3-ში განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით“.

ხელშეკრულებების მე-4 მუხლის 4.4 პუნქტის თანახმად, „ხელშეკრულების 3.1.7 (2012 წლის 30 აგვისტოს ხელშეკრულების შემთხვევაში - 3.1.5.) პუნქტით გათვალისწინებული ვალდებულებები შესრულებულად ითვლება „სამინისტროს“ მიერ მომზადებული დასკვნის საფუძველზე „გამყიდველის“ მიერ მათი დადასტურების მომენტიდან. „სამინისტრო“ ვალდებულებების შესრულების შესახებ დასკვნას „გამყიდველს“ წარუდგენს იმ შემთხვევაშიც, თუ ჯანმრთელობის დაცვის შესაბამისი სახელმწიფო პროგრამების ფარგლებში გამოვლინდა სერვისების ალტერნატიული მიმწოდებელი, ამავე მიმწოდებლის მიერ აღებული ვალდებულებების მოქმედების პერიოდის განმავლობაში“.

ბაზისური სერვისების უზრუნველყოფის ვალდებულება შპს „უნიმედი სამცხეს“ ეკისრებოდა გარდამავალი პერიოდის დასასრულიდან 7 წლის განმავლობაში, ხოლო გარდამავალი პერიოდი განისაზღვრა „ხელშეკრულების გაფორმებიდან არაუგვიანეს 2011 წლის 1 ოქტომბრიდან „სახელმწიფო პროგრამების ფარგლებში მოსახლეობის ჯანმრთელობის დაზღვევის მიზნით გასატარებელი ღონისძიებებისა და სადაზღვევო ვაუჩერის პირობების განსაზღვრის შესახებ“ საქართველოს მთავრობის 2009 წლის 9 დეკემბრის №218 დადგენილების მე-8 მუხლის მე-7 პუნქტით გათვალისწინებული ვადის დადგომამდე“, რაც დაიწყო 2011 წლის 1 დეკემბერს.

შპს „უნიმედი სამცხეს“ მიერ ხელშეკრულებით ნაკისრი ვალდებულებების, კერძოდ, ბაზისური სერვისების უზრუნველყოფის ვალდებულების შესრულების შესახებ ინფორმაცია უკვე მოგეწოდათ 2017 წლის 20 იანვრის N01/3225 წერილით, ვალდებულებების დასაწყისიდან 2016 წლის 15 სექტემბრის ჩათვლით პერიოდისთვის. ამჟამად წარმოგიდგენთ ბაზისური სერვისების უზრუნველყოფის ვალდებულების შესრულების შესახებ ინფორმაციას 2016 წლის 16 სექტემბრიდან 2018 წლის 3 დეკემბრის ჩათვლით.

იმისათვის, რომ ვალდებულებით განსაზღვრული სერვისების მიწოდება ჩაითვალოს შესრულებულად, სერვისის მიმწოდებელი, ხელშეკრულებით განსაზღვრული ბაზისური სერვისების წარმოების ვადის ფარგლებში, უნდა აკმაყოფილებდეს შემდეგ პირობებს:

ა) პირველ რიგში, უნდა გააჩნდეს განსაზღვრული სერვისის წარმოების უფლება, რისთვისაც, სამედიცინო საქმიანობის სპეციფიკის შესაბამისად, უნდა ჰქონდეს: ან სტაციონარული დაწესებულების ნებართვა და თუ საჭიროა, შესაბამისი სამედიცინო საქმიანობის განხორციელებისათვის აუცილებელი სანებართვო დანართი; ან საქმიანობის ლიცენზია; ან შეტყობინება მაღალი რისკის შემცველი ამბულატორიული საქმიანობის წარმოების თაობაზე. ამასთან, გასათვალისწინებელია, რომ ბაზისური სერვისებიდან, შესაძლებელია, ზოგიერთი სერვისების წარმოება არ მოითხოვდეს ლიცენზიის/ნებართვის ან შეტყობინების არსებობას.

როდესაც ჩვენს მიერ მოწოდებულ ინფორმაციაში აღნიშნულია ლიცენზიის, სტაციონარული ნებართვისა და ნებართვის დანართის ან მაღალი რისკის ამბულატორიულ საქმიანობაზე შეტყობინების არარსებობა, ნიშნავს, რომ სერვისის მიმწოდებელს („მყიდველს“) ვალდებულების შესასრულებლად სჭირდებოდა შესაბამისი უფლების ქონა, მაგრამ სამინისტროს უფლებამოსილი უწყების მიერ მოწოდებული ინფორმაციით არ დასტურდება „მყიდველის“ მიერ შესაბამისი ბაზისური სერვისის შესრულების ის ლეგალური საფუძვლები, რაც უკავშირდება კონკრეტული ბაზისური სერვისის წარმოების უფლებას.

ბ) სერვისის მიმწოდებელი სამედიცინო დაწესებულება, შესაბამისი სახელმწიფო პროგრამების ფარგლებში, უწყვეტად უნდა ახდენდეს ბაზისური სერვისების ნუსხით გათვალისწინებულ მომსახურების მიწოდებას ხელშეკრულებაში მითითებულ მუნიციპალიტეტ(ებ)ში.

როდესაც ჩვენს საპასუხო წერილში აღნიშნულია, რომ ჯანმრთელობის დაცვის სახელმწიფო პროგრამების განმახორციელებელ უწყებებში არ ფიქსირდება ინფორმაცია სერვისის მიმწოდებლის („მყიდველი“) მიერ ბაზისური სერვისების შესრულების შესახებ საანგარიშო პერიოდში, ეს ნიშნავს, რომ სამინისტროს არ შეუძლია დაადასტუროს „მყიდველის“ მიერ შესაბამისი ბაზისური სერვისის მიწოდების ვალდებულების შესრულება აღნიშნულ პერიოდში, მიუხედავად იმისა, ფლობდა თუ არა იგი საქმიანობის წარმოების უფლებას.

„სამედიცინო ტრანსპორტირებას და სასწრაფო სამედიცინო მომსახურება“

საქმიანობის უფლება: შპს „უნიმედი სამცხე“ „სასწრაფო სამედიცინო საქმიანობის ლიცენზიას“ ფლობდა 2011 წლის 29 სექტემბრიდან, მისამართზე: ადიგენი, ბალახაშვილის ქ. N17-ში (ფილიალები: ნინოწმინდა, ახალციხე, ახალქალაქი), რომელიც გააუქმა 26.10.2012წ. 2012 წლის 12 ოქტომბრიდან ლიცენზია აიღო ადიგენში, ბალახაშვილის ქ. N11-ში (ფილიალები: ნინოწმინდა, ახალციხე, ახალქალაქი), რაც გააუქმა 2014 წლის 25 ნოემბერს. შპს „უნიმედი სამცხეს“ სასწრაფო სამედიცინო დახმარების საქმიანობის უფლება გააჩნდა 2011 წლის 29 სექტემბრიდან 2014 წლის 25 ნოემბრამდე.

სახელმწიფო პროგრამა: საქართველოს მთავრობის 2009 წლის 9 დეკემბრის №218 დადგენილების შესაბამისად შექმნილი „სამედიცინო რაიონების მიხედვით ვაუჩერის ფასის დადგენის, მზღვეველი კომპანიის გამოვლენისა და კონკურსის შედეგად გამოვლენილი მზღვეველის ან ამხანაგობის მიერ აღებული ვალდებულებათა შესრულებისა და ასევე, პროგრამის ზედამხედველობის მიზნით შექმნილი უწყებათაშორის კომისიის“ 2013 წლის 28 დეკემბრის № 13 სხდომის გადაწყვეტილებათა საფუძველზე, საქართველოს მთავრობის მიერ მიღებულ იქნა გადაწყვეტილება „სასწრაფო სამედიცინო დახმარების“ სახელმწიფო დახმარების სერვისის სახელმწიფო მართვაში გადაცემის თაობაზე (საქართველოს მთავრობის 2014 წლის 17 იანვრის № 89 დადგენილება) და 2014 წლის 1 აპრილიდან შპს „უნიმედი სამცხე“ აღარ ფიქსირდება „სასწრაფო გადაუდებელი დახმარების და სამედიცინო ტრანსპორტირების“ პროგრამის „სასწრაფო სამედიცინო დახმარების“ კომპონენტის მიმწოდებლად.

„სასწრაფო სამედიცინო დახმარების ლიცენზიით“ გათვალისწინებული საქმიანობის განხორციელება სახელმწიფოს მიერ, კერძოდ, პაციენტისათვის შესაბამისი სასწრაფო სამედიცინო დახმარების აღმოჩენა და საჭიროების შემთხვევაში, პაციენტის სტაციონარში ტრანსპორტირება, რა თქმა უნდა, არ ათავისუფლებს სამედიცინო დაწესებულებას ნასყიდობის ხელშეკრულებით გათვალისწინებული სხვა ვალდებულებისაგან - სტაციონარიდან (რეფერალური შემთხვევის) სამედიცინო ტრანსპორტირება.

„სასწრაფო გადაუდებელი დახმარების და სამედიცინო ტრანსპორტირების“ პროგრამის „სამედიცინო ტრანსპორტირების“ კომპონენტის ფარგლებში, მიმწოდებელთა ჩამონათვალში არ ფიქსირდება შპს „უნიმედი სამცხე“ და მის მიერ გაწეული მომსახურება გარდამავალი პერიოდის დასრულებიდან ანგარიშგების თარიღამდე. თუმცა, 2015 წლის მარტიდან საანგარიშგებო თარიღამდე აღნიშნულ მუნიციპალიტეტებში „სამედიცინო ტრანსპორტირების“ გამოძახებების ნაწილს უკვე ახორციელებს შპს „კატასტროფის მედიცინის პედიატრიული ცენტრი“ (ლიცენზია N002146 09.08.2013). 2015 წლის 10 მარტიდან აღნიშნული ცენტრის სამეთვალყურეო საბჭოს თავმჯდომარეა გიორგი მინდიაშვილი (სს სამედიცინო კორპორაცია „ვევექის“ დირექტორი), ხოლო 2015 წლის აგვისტოდან მისი 100%-იანი წილის მფლობელია სს სამედიცინო კორპორაცია „ვევექი“, რომელიც ასევე შპს „უნიმედი სამცხეს“ 100%-იანი წილის მფლობელი კომპანიაა.

„უზრუნველყოფილი უნდა იყოს ინფექციური დაავადებების მკურნალობის ხელმისაწვდომობა“.

საქმიანობის უფლება: სსიპ სამედიცინო საქმიანობის სახელმწიფო რეგულირების სააგენტოს მიერ მოწოდებული ინფორმაციით, სტაციონარული სამედიცინო დაწესებულების ნებართვის სანებართვო დანართს ინფექციური დაავადებების მკურნალობისათვის ფლობს შპს „უნიმედი სამცხეს“ ორი სამედიცინო დაწესებულება (ახალციხე და ახალქალაქი). შესაბამისად, მათ აქვთ როგორც სტაციონარული, ისე ამბულატორიული საქმიანობის უფლება ერთი და იგივე მისამართზე. შეტყობინება შპს „უნიმედი სამცხეს“ ინფექციური საქმიანობის, როგორც მაღალი რისკის ამბულატორიული სამედიცინო საქმიანობის შესახებ, წარმოდგენილი აქვს ნინოწმინდაში.

შპს „უნიმედი სამცხეს“ ადიგენის სამედიცინო ცენტრს არ გააჩნია სტაციონარული სამედიცინო დაწესებულების ნებართვის სანებართვო დანართი ინფექციური დაავადებების მკურნალობისათვის და არ აქვს წარმოდგენილი შეტყობინება ამავე საქმიანობის ამბულატორიულად წარმოებისათვის. შესაბამისად, მას არა აქვს არც სტაციონარული, არც ამბულატორიული საქმიანობის უფლება ინფექციური დაავადებების მკურნალობისათვის გარდამავალი პერიოდის დასასრულიდან ანგარიშგების თარიღამდე (3.12.2018).

სახელმწიფო პროგრამა: შპს „უნიმედი სამცხეს“ მხოლოდ ახალციხის მუნიციპალიტეტში მდებარე დაწესებულება წარმოადგენს ინფექციური დაავადების მართვის პროგრამის/საყოველთაო ჯანდაცვის პროგრამის ინფექციური დაავადებების მართვის კომპონენტის მიმწოდებელს 2012 წლის 15 ოქტომბრიდან ანგარიშგების თარიღამდე (3.12.2018).

შპს „უნიმედი სამცხე“ 2017 წლის 1 მარტიდან - 2018 წლის 3 დეკემბრის ჩათვლით, ახალქალაქის და ნინოწმინდის მუნიციპალიტეტში (ნინოწმინდა ასევე არ ფლობდა სანებართვო დანართს ინფექციური დაავადებების მკურნალობასთან დაკავშირებით) არ ფიქსირდება ინფექციური დაავადებების მართვის სახელმწიფო პროგრამისა (2017 წლის 1 მარტი - 2017 წლის 31 დეკემბერი) და საყოველთაო ჯანდაცვის სახელმწიფო პროგრამის ინფექციური დაავადებების მართვის კომპონენტის (2018 წლის 1 იანვარი-2018 წლის 3 დეკემბერი) მიმწოდებლად (სტაციონარული მომსახურება). ამასთან, საყოველთაო ჯანდაცვის სახელმწიფო პროგრამის გეგმური ამბულატორიის კომპონენტი შესაბამისი ბენეფიციარებისთვის (საქართველოს მთავრობის 2009 წლის 9 დეკემბრის N218-ე და 2012 წლის 7 მაისის N165-ე დადგენილების ყოფილი ბენეფიციარები), 2017 წლის 1 მარტიდან, აღარ ითვალისწინებს ექიმ-ინფექციონისტთან ვიზიტს და შესაბამისად, გეგმურ ამბულატორიის კომპონენტში მონაწილეობა ახალქალაქისა და ნინოწმინდის მუნიციპალიტეტებში მდებარე შპს „უნიმედი სამცხეს“ სამედიცინო დაწესებულებებისათვის ვერ ჩაითვლება ინფექციური დაავადებების მკურნალობის ხელმისაწვდომობასთან დაკავშირებული ბაზისური სერვისის შესრულებად.

პატივისცემით,

მინისტრის მოადგილე

ხელმოწერილია/
შტამმოდასმულია
ელექტრონულად



გიორგი ნონკოლაური